

Ukanikorongi Ubana ara Taitu

Ukukp̄a u kadyanshi

Taitu dā b̄angai Bulus kasuki a manyan ma ne. Bulus koronku t̄a Taitu ukanikorongi u na vi kpaci Taitu vi u woko t̄a a uyamba u Kiriti, Bulus kpam lyai kelime na nwalu n ne.

Bulus yan t̄a kadyanshi ka tyoku dā Atoni a Yesu a gain a rongo. U yan t̄a dem kadyanshi ka kabolo dem a asuvu a kuwa ku Atoni.

Avu makoshi ma Atoni ma baci a kuwa ku atoni, ko kpam makoshi, ko mamici, ko kalobo ko makere, va tsara t̄a uwenishike u dā u yain dere n avu a asuvu a tagarāda u na vi.

Ili i'ya i'ari a tagarāda u na vi

Idyani n kvasu adama a Taitu (1:1-4)

Idani ubana a asu u nkoshi n kuwa ku atoni (1:5-16)

Idani ubana a asu u Atoni (2:1-3:11)

Adooki n idyani i makorishi (3:12-15)

Ukukp̄a u kadyanshi

¹ Mpa Bulus, kagbashi ka Kashilā, kasuki ka Yesu Kirisiti Kawauwi. Kashilā ka suku mu t̄a n tuko upityanangu a asu u aza dā u dangasai. U suku mu kpam n wenishike le a reve ukuna u mayun u dā wa wenike le, tyoku dā a ka rongo hal Kashilā ka pana kayanyan. ² Ukuna u mayun u nala vi u nakā le t̄a uzuwa u uma a asu u uma u dā bawu wari n utyoku u dā Kashilā ka zuwamgbanaka le kahu kagita ka likimba kpam wa yan kaban wa. ³ Kpam gogo-na u wutukpai Kadyanshi ka Shinga a asuvu a a'ayin a dā a gain

aku tsa tonusuko gb̄a ama. Kashil̄a Kawauwi ka tsunu aya u wushuki n̄a mpa n yanka yi manyan ma na mi.

⁴ Taitu, koronku d̄a ma koronku vu kpaci avu maku ma v̄a ma a asuvu a upityanangu u mayun u d̄a tsari n u d̄a gb̄a tsunu. Asak̄a Kashil̄a Tata n Yesu Kawauwi ka tsunu u nak̄a vu ukuna u shinga n̄a ndishi n shinga.

Manyan ma Taitu a Kiriti

⁵ N asak̄a vu t̄a a uyamba u Kiriti, tsar̄a vu koruso manyan ma tsunu mi, kpam ilyuci dem vu dangasa pini nkoshi tyoku d̄a n tonuko vu vu yain. ⁶ Makoshi m̄a la ma ma yan n unyushi a asu u ama wa. U kan̄a t̄a u yain n uka u te kpam u shamgba ara ne koshi. U kan̄a t̄a mmuku n ne n woko Atoni, kotsu a woko aza d̄a a ka rongo uma u d̄a bawu u gain wa. A woko kpam aza d̄a a ka panaka ama. ⁷ U kan̄a t̄a makoshi ma woko uza d̄a kan̄a kaci ka ne, kpaci aya wa kirana n manyan ma Kashil̄a. Kotsu u woko uza u aradi wa, ko kpam uza u maloko ma uyan upan wa. Kotsu u woko kasoi she ma maka yi wa,* ko kashilakani wa, ko uza u uciga u ikebe kabarikete wa. ⁸ U gan t̄a makoshi ma woko uza u ukirana n amoci a kuwa ku ne, u cigi ili i'ya i'ari i shinga. U gan t̄a u rongo n kakiri, u woko vuma u maci a a'eshi a ama. U woko uza d̄a Kashil̄a ka pana kayanyan ka uma u ne an wari uwulukpi. U woko uza d̄a u fudai kaci ka ne. ⁹ U kan̄a t̄a makoshi ma woko uza d̄a u shamkpai uwenishike u mayun u kadyanshi ka Kashil̄a vi mayun. Aku u yanka u d̄a manyan u gbamatangu ama u gonuko aza d̄a a 'yuwain kadyanshi ka Kashil̄a ki a ure.

* 1:7 A'ayin a nala yi aza a Yahuda a tsu so t̄a mini ma cinwi kenu a un̄a u aguma uza wa baci a mbala. A tsu so t̄a kpam kenu a ka lya baci ilikulya. Shegai a a'ayin a tsunu aza roku a dusuku baci kuso, a tsu so kenu wa, adama a nala wa laka t̄a shana a ka asak̄a baci kuso ki gb̄a gb̄a.

¹⁰ Nala u gain u woko, kpaci ama da pini ushani aza da a 'yangasakai uwenishike u mayun vi. Iacun i ama a na yi a tsu rongo ta a uyansa kadyanshi ka gbani hal n a yinsasi ama. A asuvu a ama a na yi, aza roku a da pini ushani a matsai a da ya dem u kana ta a kida yi kacombi. Alya a lakai tsicingi. ¹¹ U kana ta vu bishinka le kadyanshi, kpaci a ka nangasa ta ama n a'uwa a le a asu u uwenishike u da bawu u gain. Yan da a tsu yan nala, tsara a tsara ikebe a ure u da bawu u gain. ¹² Matsumate ma te ma pini a asuvu a aza a Kiriti uza da u yain kadyanshi a kaci ka ama a ne, u da, "Gba aza a Kiriti aza a kaban a da, nnama n cingi kpam awonvoli, alyai a ilikulya cika." ¹³ Kadyanshi ka ne mayun da, rongo le ubaransa cika tsara vu zuwa le a yain ucira a asuvu a upityanangu. ¹⁴ Kpam a asaka upanasa alabari a kaban a da aza a Yahuda a ka dansa, kpam a asaka upanaka ama da a kpatalakai ukuna u mayun vi kucina.

¹⁵ Ko ndya wa i uwulukpi i'ya a asu u aza da atakasuvu a le a'ari uwulukpi. Shegai ko i te i'a la uwulukpi a asu u aza a cingi n aza da a 'yuwain uwushuku wa, kpaci atakasuvu a le n uyawunsa u le gba u lobono wa. ¹⁶ Iacun i ama a nala, a tsu ciga ta a dana a reve Kashila, shegai a 'yuwan yi adama a uma u cingi u le. A ka panaka yi wa, a gan a asu u uyan ukuna u shinga wa. Ko ya wa u goro le ta.

2

Ili i'ya i gain vu wenishike

¹ Shegai u gan ta vu tonuko Atoni a rongo n uma u da u yain dere n uwenishike u maci. ² Vu wenishike nkoshi n rongo mai a kana kaci ka le a rongo uma u da ama a ka wene karinga ka le, a rongo n kakiri. U kana ta a yain n upityanangu u ucira, a yain n uciga n akawunki.

³ Nala dem va wenishike mmici a rongo n uma u da u yain dere n tyoku u uza da wa gbashika Magono ma Zuba.

Kotsu a woko aza a kutambu n a dansaki ama n ukuna u gbani wa. Kotsu a woko asoi hal she ma maka le wa,* shegai a woko aza da a ka wenishike aza roku ukuna u shinga. ⁴ U kana ta mmici n wenishike aka a kenu tyoku da a ka ciga a'ali a le a cigi kpmam mmuku n le. ⁵ A wenishike le a rongo n kakiri, kpmam a rongo uwulukpi. A wenishike le kpmam a kirana n a'uwa a le, a yain kpmam ili i shinga. A wenishike le a naka a'ali a le tsupige. A yan baci nala, a ka tuko kugori a asu u kadyanshi ka Kashila wa.

⁶ Nala kpmam vu tonuko a lobo a gbara a yain ko ndya baci a ka yan n kakiri. ⁷ Avu kpmam u kana ta vu woko iryoci ara le a asu u ili i shinga i'ya va yansa. I'ya baci dem va yan, asaka i wenike kuryongo ku shinga n uzuwa u kaci a asu u uwenishike u vunu. ⁸ Asaka uwenishike u vunu u wala dere tyoku da bawu uza wa dansaka u da n kagbani. Pini nala, aza da baci dem a ka ciga a nanamgbanaka vu a ka yan ta uwono, kpaci a ka tsara i'ya a ka tonuko kagbani a kaci ka tsunu wa.

⁹ U kana ta agbashi a naka azakuwa a le tsupige, a matsa a yain i'ya a ka yan, a yanka le kpmam ili i'ya a ka pana kayanyan. Kotsu a yanka le uryagbaji, ko uboku wa. ¹⁰ Shegai u kana ta a rongo mai tsara a wushuku n ele, a wene le kpmam mai. Pini nala, da a ka zuwa uwenishike u Kashila Kawauwi ka tsunu u luwa ama.

¹¹ Nala u gain u woko, kpaci Kashila ka wenike ta gba ama ukuna u shinga u ne tsara a tsara iwauwi. ¹² Ukuna u shinga u Kashila ara tsunu u tsu zuwa tsu ta kain dem tsu rongo n Kashila. U zuwa ta kpmam tsu asaka uciga ucanga u likimba kabarikete. Likimba namgba de n tsicingi, shegai gogo-na u kana ta tsu rongo pini mai n ukana u kaci. U kana ta tsu rongo n uyansa ukuna u shinga n unaka kaci

* 2:3 Kalen ka kadyanshi ka na ka te ka n masala ma 1:7

a asu u Kashilā. ¹³ U k̄anā t̄a k̄pam tsu rongo uwundya utuwā u kain ka pige ka Kashilā ka tsunu Uza u Ucira Gbā k̄pam Kawauwi; wata, Yesu Kirisiti. Kain ka nala ki Yesu Kawauwi wa gono t̄a n tsupige tsu ne. ¹⁴ U n̄akā t̄a uma u ne tsarā u wutukpā tsu a asuvu a unyushi u cingi u dā baci dem tsu yain, k̄pam u gonuko tsu sarara. U n̄ak̄ai k̄pam uma u ne tsarā u gonuko tsu ama a ne k̄pam adama a nala tsa matsā t̄a tsu cigi tsu yain ili i shinga.

¹⁵ U k̄anā t̄a vu wenishike ama ili i na yi, vu tonuko le a yain i'ya. A'ayin a dā baci u gain vu lapuluka le, vu lapuluka le. Vā t̄a n ucira u dā va yan ili i na yi, adama a nala u gan vu asakā ko uza u goro i'ya vu danai wa.

3

Yan ili i'ya i lobonoi

¹ Cifuga ama yi a panāka ngono n aza a tsupige. U gan t̄a ama a vunu a yain n karinga, k̄pam kain dem a matsā a rongo uyansa ili i'ya i lobonoi. ² Kotsu a dansaka uza n kagbani wa, k̄pam a asakā ibili. Ya dem a rongo mai n eyi, a wenike ele ili i roku i'ya wa.

³ Nala dem tsari tsu rongoi caupa n utengeshi bawu tsa pana ukuna. Aza roku a dā a yinsa tsu, aku tsu wokoi agbashi a uciga uyan ukuna u cingi, tsari tsu wokoi k̄pam agbashi a upana kayanyan ka uyan u ili i cingi. Uma u tsunu wari u shadangu t̄a n tsicingi n malyon, tsara tsa kovo atoku a tsunu ele k̄pam dem a'ari a ka kovo tsu.

⁴ Shegai Kashilā uza dā wari Kawauwi ka tsunu, u wenike tsu asuvayali a ne, u wenike tsu k̄pam uciga. ⁵ Adama a asuvayali a ne a dā u wauwa tsu. Adama a ili i shinga i'ya tsu yain dā wa. U zā t̄a unyushi u cingi u tsunu gbā, u n̄akā tsu uma u savu a asu u Kulu Keri ku ne. ⁶ U n̄akā tsu Kulu Keri ushani adama a ili i'ya Yesu Kirisiti Kawauwi ka tsunu u yain. ⁷ U kece tsu t̄a a asuvu a

aza da a'ari dere adama a ukuna u shinga u ne. Adama a nala, gogo-na tsu reve ta an tsa fuda tsa lya agadu a uma u da bawu wari n utyoku. ⁸ Gba ili i'ya n tonuko vu na vi mayun da. Ma ciga ta vu matsa n i'ya, tsara gba uza da baci u wushuki n Kashila, wa kirana ta u yain ili i shinga a'ayin dem. Ukuna u na vi u gan ta, kpam ya tuko ta ama ukuna u shinga.

⁹ Kadyanshi ka isheku i cau ka baci a ka yan ka bawu ka lobonoi, kotsu vu uka kaci ka vunu wa. Vu ukusa kaci ka vunu a ibili ko kushulu a kaci ka utono Mele ma aza a Yahuda wa. Ukuna u nala u gan wa, kpam unangasa u a'ayin u da. ¹⁰ Uza roku wa yansa baci ili i'ya ya zuwa ama a wacuwa, vu barana yi. U 'yuwan baci upana ubarana u kagita, vu doku vu barana yi ire. U doku baci u 'yuwain upana, aku vu asaka yi. ¹¹ Kpaci icun i ama a nala yi a naka de ukuna u maci kucina. Nala a yain unyushi, a varangi kaci ka le.

Idyani i Bulus i makorishi

¹² Mpa pini ma ciga n sukunku vu Atima ko Tikiku. A'ayin a da baci uza u te u le u rawai ara vunu, aku vu yain gba tyoku da va yan vu cina mu a Nikafoli gogo. Ili i'ya i zuwai i'ya, ma ciga ta n gono pini de a'ayin a kutanu.

¹³ Yan gba i'ya va yan vu banga karevi ka mele ka a ka isa Zena n Apolo a nwalu n le. Vu shamgba she vu wene a tsara gba i'ya a ka ciga a adama a nwalu mi. ¹⁴ U kana ta Atoni a rotsongusu uyan ili i shinga, kpam a yain n a banga atoku a le aza da a wenei a ka ciga ubanga. Ili i'ya i zuwai i'ya, u gan ta uma u ama a tsunu u tukuso ili i shinga.

¹⁵ Ko ya wa pini na wa sukunku vu ta idyani. Danasaka mu gba Atoni aza da a ka ciga tsu.

Asaka ukuna u shinga u Kashila u rongo n ada gba de.

Kazuwambani ka savu n Tsikimba n aβon a dā a
dangasai a kazuwambani ka cau
New Testament in Tsikimba (NI:kdl:Tsikimba)

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

Updates
eBible.org

PDF generated using Haiola and XeLaTeX on 3 Jul 2018 from source files dated 14 Jun
2018

a4f6a28b-3d6d-50b4-a81b-06ae05a66010